Yis endentur~ made betuene Ric~ Bemond gentyllum~ of Qwytlay on ye tone party And wylly3am lylegh of ye tonschyp of Myrfield on ye toy~ party beres witnes y⁴ ye sayd Richard has geue & graunted to ye sayd wylly3am two acres of land lyand in ye well Rode y⁴ is to say on Acr~ buttand opon~ ye hegh way at ye west ende of ye land And an oy~ lyand afterlang~ ye same way & buttand in length north & sowth in Eschaunge for~ two Acres of land in a close vpon~ ye sowth syd Qwytlay Croftes To haue & hald to ye sayd will [&#x26;] his heres & his assignes euermor~ Also ye [sayd] wylly lylegh has geue & graunted to ye sayd Ric~ Bewmond two Acres of land lyand in a close on ye sowth syd Qwytlay Croftes os it is be-for~ sayd vppon ye hyll on~ ye est syd of Qwytlay hall in Eschaunge for ij Acr~ liand in ye well Rode as it is be-for~ sayd To haue & hald to ye sayd Ric~ hys heres & his assignes euermor~ In wyttnes of qwych thynge~ to yies endentur3 ye parties befor~ sayd haue sett to yair~ seles . yeis Men~ to witnes sir Thomas~ nyvyl Chl tomas~ Clayton of derby Graunge and Ric~ Clayton of ye same w⁴ oy~ Geue at Thom~ hyll in ye? fest of ye trinite ye 3er~ of ye reigne of kyng henr~ ye sext after ye conquest of ingland ye xj